



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

459

8
3u-26

«Արշակունի» ինքնուրույն թերթ 19 MAY 2005
N 2370 10 NOV 2011

Կ' ԵԱԳՈՒՆԱԿԱՆ

ՐՈՄԷՅՈ ԵՒ ԶՈՒԼԻԵՏԱ

8
3ա-26



Իրական պատմություն մի պատանու և մի աղջկայ մասին
թէ ինչպէս նրանք վատ ապրեցին և լաւ մեռան, իսկական
եղիւթին, որ պատահել է մի անգամ՝ բայց կապ ունի
մի քանի ճշմարտութիւնների հետ, որոնք յաւիտենական են:

1002
6312

Թարգմ. ՎԱՀԱՆ ՓԱՄԲՈՒԽՉԵԱՆ



Թ Ի Ե Լ Ի Զ

Տպարան Մ. Վարդանեանցի Գանձակի փող. № 3
1906

09.07.2013

459

10

Дозволено цензурою Тифлисъ, 20-го февраля 1906 г.

Ա.

Ի Ն Ձ Է Փ Ո Ղ Ը

Փողը աղքատների ստացուածքն է:
Նա, որի սրտում, ինչպէս ոսկի, հնչում է
սիրոյ երգը, որի աչքերից, ինչպէս գոհար, թափ-
ւում է հիացմունքի արցունք, ով ազնիւ գործի
համար թափում է իր արիւնը՝—առանց փողի
էլ հարուստ է:

Այսպէս կասէր իմաստունը, եթէ լինէր մեր
մէջ:

Ապրում էր մի սամուրայ:

Ապրեց ու մեռաւ:

Որովհետեւ նրանից յետոյ մնաց մէկ որդի՝
և չափազանց շատ հարստութիւն՝ ուստի, ի հար-
կէ, բազմաթիւ մարդիկ նրան ազգական դուրս
եկան:

Ամբողջ երկիրը հանգուցեալ սամուրայի
հետ ազգական երեաց: Ամեն տեղից գալիս էին
ազգականներ, բոլոր քաղաքներից: Մէկը ազգա-
կան էր հօր կողմից, միւսը՝ մօր, երրորդը՝ պա-
պերի, չորրորդը՝ նախահայրերի կողմից:

Եւ նրանք ամենքը սկսեցին հոգս քաշել

Շիրայի-Գոմպաչչիի վրայ, այսպէս էր կոչուում հանգուցեալ սամուրայի մանկահասակ որդին:

Երբ Շիրայի-Գոմպաչչու 18 տարին լրացաւ՝ նրան ոչինչ չմնաց: Ո՛չ փող, ո՛չ կայք:

Ազգական-խնամակալները տուին նրան իր հօր դաշոյնը և պատմեցին նրա պատմութիւնը.

—Քո նախնիքների տասն սերունդներ պահել են դրա բերանը մաքուր ու պայծառ: Աշխատիր, որ քո ձեռքում չժանգոտուի ամօթից: Գնահ և երջանիկ եղիր:

—Իսկ հօրիցս յետոյ մնացած ստացուածքը, հարցրեց Շիրայի-Գոմպաչչին:

—Դու ունես մի այնպիսի ստացուածք,— պատասխանեցին ազգական-խնամակալները,— որի համար մեզանից իւրաքանչիւրը կտար իր բոլոր փողերը, բայց որը գնել,—աւանդ,—անհնարին է: Քո 18 տարիները: Բաղդաւոր եղիր, որ նրանք քիչ են: Դու երիտասարդ ես,—գնահ և աշխատիր գործածել երիտասարդութիւնդ որքան կարելի է լաւ:

Շիրայի-Գոմպաչչին դաշոյնը տեղաւորեց իր լայն գօտում և գնաց Եդդօ, յոյս ունենալով այնտեղի թագաւորի պալատում գերազանցել գէնք շարժել գիտենալու մէջ ուրիշ նշանաւոր պատանիներին և դրանով գրաւել գէպի ինքը բարի տրամադրութիւն, հովանաւորութիւն և հարուստ կին:

Նա միայն ասաց իր խնամակալ-ազգականներից գլխաւորին.

—Հին սովորութեան համաձայն, ուղեկցիր ինձ մինչև մեր քաղաքի սահմանագիծը և, ցոյց տալով ինձ, պատանուս, ամբողջ աշխարհի վրայ,

ասա. «Այդ բոլորը քոնն է, եթէ կկարողանաս նրան տիրել»:

Խնամակալը համաձայնուեց:

—Միայն թէ ինձանից փող չխնդրես ճանապարհի համար:

—Լաւ,—կարճ պատասխանեց Շիրայի-Գոմպաչչին:

Երբ նրանք դուրս եկան քաղաքի սահմանները՝ խնամակալը, ժպտալով, ցոյց տուաւ ձեռքով չորս կողմը.

—Ահա, պատանի: Ամբողջ աշխարհը քո առաջն է: Վերցրո՛ւ նրանից, որքան կկարողանաս: Շիրայի-Գոմպաչչին պատասխանեց գլուխ տալով.

—Ես այդպէս էլ կանեմ: Սկզբի համար ինձ հարկաւոր է քո զգուելի կեանքը, կողոպտիչ, որ յափշտակել ես այն բոլորը, ինչ որ հայրս հաւաքել է:

Եւ այս խօսքերով դուրս քաշեց գօտուց սամուրայ—նախնիքների դաշոյնը:

Խնամակալը ծնկների վրայ ընկաւ:

—Մի սպանիր ինձ: Վերցրո՛ւ, ինչ ուզում ես, թող ինձ միայն մի բան՝ կեանքս:

Շիրայի-Գոմպաչչին պատասխանեց.

—Ո՛չ, ես ուզում եմ նայել, թէ ինչպէս կկաթկաթէ արիւնը դաշոյնիս բերանից: Ես կը թրջեմ նրոյն առաջին անգամ ազնիւ արեան մէջ,—չէ՞ որ դու հաստատում ես, որ, իբրև թէ, ազգական ես իմ հօրը, մի ազնիւ սամուրայի, որ երբէք չէ արատաւորել իրան որևէ խայտառակ արարքով:

Ու այս խօսքերով խրեց դաշոյնի ձայրը

խնամակալի կոկորդը և բռնեց այդպէս, մինչև որ պողպատը տաքացաւ:

— Դու զարթնեցիր և կենդանացար, ազնիւ պողպատ,— բացականչեց Շիրայի-Գոմպաչչին,— խոստանում եմ քեզ, որ դու երբէք չես քնի իմ ձեռքում:

Եւ արագութեամբ առաջ անցաւ, որպէսզի խոյս տայ հալածանքից ու վրէժխնդրութիւնից:

Բ.

Խ Ն Ձ Է Գ Ա Շ Ո Յ Ն Ը

Ով ունի դաշոյն՝ նա ունի այն բոլորը, ինչ որ կայ ուրիշներէ մօտ:

Ով ունի ոսկի՝ նա ունի միայն այն, ինչ որ կայ իւր մօտ:

Ով ունի դաշոյն՝ մի հարուած՝ և նա կու- նենայ այնքան, որքան կայ ուրիշի գրպանում:

Այսպէս կասէր իմաստունը, եթէ լինէր մեր մէջ:

Ճանապարհին Շիրայի-Գոմպաչչին հանդի- պեց մի քանի մարդկանց, որոնք պատրաստուել էին գիշերելու հէնց անտեղ, որտեղ վրայ էր հասել գիշերը՝ դաշտի մէջ:

Նրանց գեղեցիկ շորերից և լաւ գէնքերից Շիրայի-Գոմպաչչին նրանց նշանաւոր ու հարուստ մարդկանց տեղ ընդունեց:

Նրանց մէջ արտակարգ գեղեցկութեան տէր մի դեռահաս աղջիկ կար, որը նստել լաց էր լինում:

Բարեկրով ամենքին և սիրով ընդունուելով, Շիրայի-Գոմպաչչին հարցրեց.

— Ինչո՞ւ են ցօղով պատած այդ ծաղկի թերթիկները:

— Այս ջահէլ աղջիկը կորցրել է հօրը,— պատասխանեց ուղևորներից հասակաւորը,— և այժմ լալիս է նրա վրայ:

Եւ Շիրայի-Գոմպաչչու հայեացքից չվրի- պեց, թէ ծերուկը ինչ խիստ տեսքով նայեց երիտասարդ աղջկան:

— Դէ պատասխանիր անծանօթին:

Աղջիկը վախեցած նայեց ծերուկին և միայն գլուխը շարժեց ի նշան համաձայնութեան:

Սօսել չկարողացաւ. արցունքները խեղդում էին նրան:

«Այստեղ մի բան կարգին չէ» — մտածեց Շիրայի Գոմպաչչին, նստելով, ամենքի խնդրե- լովը, ընթրիքի:

— Ազնիւ տեսքովդ դու նշանաւոր պատանի ես լինելու,— ասաց նրան ծերունին,— երևի, բեռ- նակիրներդ քեզանից յետ են մնացել, իսկ դու, պատանեկական անհամբերութեամբ, առաջ ես անցել:

— Ես ոտով եմ գնում,— պատասխանեց Շի- րայի Գոմպաչչին,— և չունեմ բեռնակիրներ:

— Ուրեմն, նշանակում է, ստացուածքդ ա- ռձջ ես ուղարկել: Հօ չէ՞ կարող նշանաւոր ծա- գում ունեցող պատանին,— իսկ դու այդպէս ես ըստ երևութին,— ճանապարհորդել առանց ստա- ցուածքի:

— Ահա իմ բոլոր ունեցածը,— ասաց Շիրայի

Գոմպաչչին, ցոյց տալով գօտու միջից դաշոյնը:

—Շատ չէ,—ժպտաց ծերունին:

Շիրայի-Գոմպաչչին ցասկոտութեամբ պատասխանեց նրան.

—Թաւ անտառին մօտեցաւ կացինով մի մարդ: Անտառը անանցանելի էր,—սակախ նա աջ ու ձախ սկսեց կոտորել և ճանապարհ բացեց իր համար: Կեանքը՝ թաւ անտառ է: Ով ունի կացին՝ նա իր համար կբանայ ճանապարհ:

Ու հանելով իր դաշոյնը և գորովանքով դիտելով՝ պատմեց, թէ քանի նախնիքների է նա ծառայել, քանի կոխներում է ոռոգուել թշնամիներէ արիւնով և քանի վեհանձն ինքնասպանութիւնների մէջ փրկել է նախնիքներին խաւտապաշտութիւնից կամ գերութիւնից:

—Այդպիսի ծառայութիւն կմատուցանէ և՛ ինձ,—վերջացրեց Շիրայի-Գոմպաչչին,—դաշոյնով կարելի է գնել ամեն ինչ: Ես կգնեմ նրանով կամ յարդ ու պատիւ և հարստութիւն, կամ ազնիւ մահ:

—Վճռականութիւնը մեծ ոյժ է, եթէ նրան ղեկավարում է զգուշութիւնը,—ժպտալով ասաց ծերունին և առաջարկեց Շիրայի-Գոմպաչչիուն գիշերել իրանց հետ միասին:

Յոգնած փախստից՝ Շիրայի-Գոմպաչչին չթողեց հիւրասէր մարդկանց կրկնելու իրանց հրաւերը:

Քնից առաջ նա բոլորին ցոյց տուեց իր դաշոյնը և շատ գոհ էր, տեսնելով որ ամենքի աչքերն էլ վառուեցին թանկագին հին դաշոյնի վրայ:

Հազիւ դիպած գեանին՝ Շիրայի-Գոմպաչչին քնեց, ինչպէս մեռած:

Բայց գիշերուայ մէջ նա արթնացաւ,—մէկը նրան ասում էր.

—Պատանի, վեր կաց ու փախիր:

Դժուարութեամբ նա բաց արեց աչքերը և աստղերի առկայծելուց տեսաւ չքնաղ աղջկան, որին երեկոյեան տեսել էր լաց լինելիս:

—Պատանի, վեր կաց ու փախիր,—ասաց նա, ու նրա ձայնը նման էր ծաղիկների շշուկի, որ վախեցած շշնջում են գիշերով, զգալով ցուրտ առաւօտուայ մօտենալը—փախիր, քանի ուշ չէ: Ես լսեցի, թէ ինչպէս նրանք վճռեցին՝ վաղ առաւօտեան, մինչ դու քնած կլինես՝ վերցնել քեզանից, քնածից, դաշոյնը և հեռանալ: Իսկ եթէ արթնանաս այդ միջոցին՝ նաև սպանել քեզ, անդէնի՞ր:

—Կարճդ է այդպիսի բան պատահել,—բացականչեց Շիրայի-Գոմպաչչին, չէ՞ որ նրանք գիտեն, որ դա իմ բոլոր ունեցածն է:

—Երգում եմ քեզ իմ հօրով, որը երբէք չէ մեռել,—բացականչեց աղջիկը:

Ինչպէս օձից խայթուած՝ Շիրայի-Գոմպաչչին վեր թռաւ գեանից:

—Ո՛րքան ցած են մարդիկ,—բացականչեց նա,—նրանք միայն մտածում են, որ ուրիշի թանկագին բանը խելի:—Այդպէս էլ ես կխլեմ նրանցից այն, ինչ որ թանկ է ամեն բանից:

Եւ մերկացնելով դաշոյնը, նա սարսափելի կատաղութեամբ ընկաւ քնածների վրայ և լայն ասպարէզ բաց արեց իր դաշոյնի համար:

Երկինքն արդէն սկսել էր շառագունել, երբ

բոլորը մեռած էին, և արիւնաներկ Շիրայի-Գոմ-
պաչչին ինքն իրան եկաւ կատաղութիւնից յետոյ:

—Ներքի ինձ, հրաշալի՛ ծաղիկ, որի անու-
նը ես չգիտեմ, սասց նա, դիմելով երիտասարդ
աղջկան, —ներքի ինձ, որ սպանեցի ազգական-
ներիդ և քեզ այնքան վիշտ պատճառեցի:

—Ինձ կոչում են Կոմուրասակի, — պատաս-
խանեց նա, կարմրելով, ինչպէս արշալոյսը, որ
վառոււմ էր երկնքում, — և ես ծաղիկ չեմ, այլ
միայն ծաղկի կոկոն, որ կբացուի՝ երբ նրան այրէ
սիրոյ արեգակը: Ոչ մի վիշտ դու ինձ չպատճա-
ռեցիր, — այլ, ընդհակառակը, ուրախութիւն: Այս
մարդիկը, որոնցից դու ազատեցիր ինձ, աւա-
զակներ են: Նրանք ինձ յափշտակեցին հօրս տա-
նից, որպէս զի անագին փրկանք ստանան
— իմ հայրը շատ հարուստ է: Դու տես-
նում ես, որ ես չէի ստում, երբ գլխով արի այն
խօսքին, թէ հօրս կորցրել եմ: Վերագարծրու
ինձ նրան, որպէսզի նա կարողանայ շնորհակալ
լինել քեզանից այնպէս, ինչպէս արժեմ ես, նրա
սէրը դէպի ինձ և քո սխրագործութիւնը:

Շիրայի-Գոմպաչչին, վերահաս օրուայ լու-
սով չղաղարելով սքանչանալ Կոմուրասակու վրայ,
տարաւ նրան մինչև նրա հօր տունը և ընդու-
նուեց ուրախութեամբ ու պատիւներով:

—Աղջիկս բոլորն ինձ ասել է—յայտնեց
Կոմուրասակու հայրը, երբ պատանին պատրաս-
տում էր աւելի հեռաւոր ուղևորութեան. — և ես
գիտեմ, թէ ինչպէս կարող եմ շնորհակալու-
թիւն յայտնել քեզ: Դու վերագարծրի ինձ
իմ կեանքը, և դրա փոխարէն ես քեզ կտամ իմ
ունեցած գանձերից ամենալաւը: Ես հարուստ

եմ, աղջիկս խոստովանեց, որ սիրել է քեզ հէնց
առաջին հայեացքից, — վերցրու նրան կին և կնոց
մեզ մօտ:

Բայց Շիրայի-Գոմպաչչին պատասխանեց
հպարտութեամբ.

—Ես չեմ ուզում, որ հօրս դաշոյնը ժան-
գոտուի անգործութիւնից ու ամօթից: Ես գնում
եմ ձեռք բերելու փառք ու պատիւ, և թէև ինձ
շատ դուր է գալիս աղջիկդ, — սակայն ես գործ
չունեմ քո փողերի հետ: Մնաս բարով:

Ու գնաց:

Գնաց հպարտ, զգալով սակայն, որ կարծես
մի բան պոկ է գալիս իր սրտից:

Գ.

ԻՆՉ ԵՆ ԱՍՐԵԿԱՄՆԵՐԸ:

Այն մարդը, որ իր թշնամիներին ստիպել է
զգուշանալ, և ինքն էլ զգուշանում է իր բարե-
կամներից, — կարող է իր կեանքը ապահովու-
թեան մէջ համարել:

Այսպէս կասէր իմաստունը, եթէ լինէր մեր
մէջ:

Իր քաջութեամբ և վեհանձնութեամբ Շի-
րայի-Գոմպաչչին թագաւորի պալատում միանգա-
մից ձեռք բերեց բազմաթիւ բարեկամներ:

Առանձնապէս նրա հետ բարեկամացաւ մի
պալատական, որին թագաւորը շատ յարգում էր
և սիրում նրա խելքի և խորամանկութեան պատ-
ճառով:

Մի անգամ ուշ երեկոյեան պալատականը մտաւ այն սենեակը, որտեղ քնում էր Շիրայի-Գոմպաչչին, և ասաց նրան.

— Ուզո՞ւմ ես միանգամից ձեռք բերել թագաւորի բարձր տրամադրութիւնը, իսկ դրա հետ միասին նաև փառք ու պատիւ:

— Ես հէնց դրա համար էլ եկել եմ Եդոօ, — պատասխանեց Շիրայի-Գոմպաչչին:

— Դէ լսիր, — ասաց պալատականը, ես կարող էի գնալ և իմաց տալ թագաւորին, և միայն ինձ վրայ կ'ընկնէին բոլոր ողորմութիւնները, բայց ես սիրում եմ քեզ և ուզում եմ, որ փառք ու պատիւներն ու պարգևները քեզ էլ հասնեն: Այսօր գիշերով տասն մերձաւորներ պայմանաւորուել են յափշտակել թագաւորի որդուն, որպէսզի թագաւորին ստիպեն, — դու գիտես, թէ ինչպէս նա սիրում է իր որդուն, — որպէսզի նրան ստիպեն հրաժարուել իշխանութիւնից և յանձնել մի ուրիշի, ով իրանց հաճելի է: Ես գիտեմ նրանց բոլոր մտադրութիւնը, որովհետև ես ինձ ձևացրի, իբրև թէ համամիտ եմ նրանց բոլոր որոշումներին: Բայց ես ուժեղ չեմ: Իմ ոյժը՝ իմ խելքն ու խորամանկութիւնն է: Իսկ դու քաջ ես և գէնք շարժելու մէջ ամենից ճարտարը: Գնանք և պահապան կանգնենք թագաւորի որդու ննջարանի դռների մօտ: Եթէ դու սպանես բոլոր դաւաղիքներին՝ մտածիր, ինչպիսի ողորմութիւններ անձրեւի պէս կ'ընկնեն քեզ վրայ:

Շիրայի-Գոմպաչչին տեղից վեր թռաւ. — Ինքը բնորոշ է կամենում ինձ վարձատրել այն բոլորի փոխարէն, որ ես կրել եմ: Գնանք:

Պալատականը դաշոյնը նրան յանձնեց:

Դեռ ոչ մի անգամ դաշոյնը Շիրայի-Գոմպաչչուն այդպէս թեթև չէր երևացել:

Գնացին և կանգնեցին պահապանութեան:

Ժիշտ կէս գիշերին յայտնուեցին դաւաղիքները:

— Կանգնեցէք, դաւաճաններ, — գոչեց, դուրս գալով մթութիւնից, Շիրայի-Գոմպաչչին և մխեց դաշոյնը մինչև կոթը առաջին պատահածի կուրծքը:

Երբ տասներորդը թաւալուեց նրա ոտքերի տակ, — նա յանկարծ մէջքում սարսափելի ցաւ զգաց և վայր ընկաւ առանց գիտակցութեան:

Երբ աչքերը բաց արեց՝ շուրջը լոյս էր. — ջահեր էին վառում:

Շիրայի-Գոմպաչչին տեսաւ թագաւորին, մօտ վազող շքախմբին և պահապաններին:

Թագաւորի առաջ կանգնել էր իր ընկեր պալատականը և ասում էր.

— Տեղեկանալով, որ այս տասնամէկ սրիկաները մտածել են մի չար գործ՝ ես մենակ պահապան կանգնեցի: Ես ուժեղ չեմ, բայց հաւատացած էի, որ դէպի քեզ ունեցած սէրս և անձնուիրութիւնս, հրամայող, ինձ կտան ոչ-մարդկային ոյժեր: Եւ ես չսխալուեցի: Ես սպանեցի տասին, — նրանք սրիկայ էին, բայց գոնէ քաջ սրիկայ, տես, ամենքը վիրաւորուած են կրծքից: Այն ժամանակ տասնամէկերորդը, որպէս մի վախկոտ, դիմեց արհամարհելի փախստի: Նա արժանի չէր ազնիւ դաշոյնի հարուածին: Թրի հարուածը հասաւ մէջքին և զլորեց նրան: Եւ այդ մարդը, այդ վախիկը — ո՞վ էր եղիլ: Ո՞վ էր լաւագոյն բարեկամս: Որին ես սիրում էի, ինչպէս հարազատ եղբօր:

—Սրիկան ստճւմ է,—բացականչեց Շիրա-
յի-Գոմպաչչին,—ես եմ սպանել դաւադիրներին:
Նայիր, սւմ դաշոյնն է արեան մէջ:

—Դաւաճանութեան, վախկոտութեան, փա-
խըստեան դու աւելացնում ես դեռ սո՛ւտն ու
զրպարտութիւնը,—զգուանքով բացականչեց թա-
գաւորը,—մենք տեսնում ենք, թէ սւմ դաշոյնն
է արիւնոտ. քոնը փայլում է, ինչպէս ապա-
կի, մի բան, որ չէ կարելի ասել խղճիդ մասին:
Շիրայի-Գոմպաչչին միայն հեկեկաց.

—Ո՛րքան ցանձ են մարդիկ:

—Այն, որ դու ինձ համար մահացու վիրա-
ւորել ես բարեկամիդ, միայն բարձրացնում է
քեզ իմ աչքում, վկայում է քո անճնուիրութիւնը
դէպի ինձ,—դիմեց թագաւորը պալատականին:

Վերջինս խոնարհութեամբ գլուխ տուեց.

—Ամենից սիրելի բարեկամիս: Ես պէտք
է մեղքս խոստովանեմ քո առաջ, հրամայող: Սէ-
րը՝ ծաղիկ է պատանու սրտում,—նրան կարելի
է պոկել: Սէրը ծառ է հասուն տղամարդու սըը-
տում: Նա պինդ պահում է արմատներով: Եւ
դուրս հանել սէրը կարելի է, եթէ հանենք սիրտն
էլ: Որքան էլ ոճրագործ է Շիրայի-Գոմպաչչին,
սակայն ես այնուամենայնիւ շարունակում եմ սի-
րել նրան և զթալ: Թո՛յլ տուր ինձ ցոյց ալ իմ
անճնուիրութիւնը դէպի քեզ: Պոկիր սիրտս: Թո՛ղ
իմ սիրելի լաւագոյն բարեկամիս տանջեն աչքե-
րիս առաջ: Ուզում ես, արա՛ ինձ նրա դահիճը:
Ես ինքս, իմ ձեռքերով կշարշարեմ նրան ամե-
նազարհուրելի տանջանքներով: Այսպէս եմ ես
քեզ նուիրուած, այսպէս եմ պատրաստ վարուե-
լու քո ամեն մի թշնամու հետ, թէպէտ և նա իմ

եղբայրը լինի: Ես քեզ զո՛հ բերի իմ ամենալաւ
բարեկամիս, թո՛յլ տուր զո՛հելու եւ սիրտս:

Թագաւորը զգածուած էր:

—Ո՛չ,—ասաց նա, այնպիսի սիրտը, ինչ-
պիսին քոնն է, հարկաւոր է ինձ: Ես բաւակա-
կանաչափ հաւատում եմ քո անճնուիրութեանը:
Ես չեմ ուզում քեզ ենթարկել նոր տանջանքնե-
րի: Թո՛ղ չարագործն ապրի, ես նրան նոյնիսկ
անպատիժ եմ թողնում, որովհետեւ քո բարեկամն
է: Դո՛ւրս գցեցէք սրիկային իմ պալատից, թո՛ղ
սատակի վէրքերից որեւէ աղբանոցում: Զախ-
շախուած իժը անվտանգ է:

—Մի ողորմութիւն, թագաւոր,—հեծեծեց
Շիրայի-Գոմպաչչին,—հրամայիր յետ տալ դա-
շոյնս, սամուրայ նախնիքներիս դաշոյնը: Ես յոյս
ունեմ երբևիցէ մերկացնել այն քո թշնամիների
դէմ և ապացուցանել քեզ իմ ուղղամտութիւնը:
Օ՛, արա՛ այս բանը թէկուզ որպէս ողորմութիւն
նրան, որին դու համարում ես իմ բարեկամը,
իսկ ես՝ թշնամի և մատնիչ:

Թագաւորն ասաց.

—Յետ տուէք նրան իր դաշոյնը: Փառք ու
պարծանք աստուածներին, որ սրիկան չէ ա-
րատուորել նրան բարեկամի արիւնով:

Շիրայի-Գոմպաչչու գօտում խրեցին դաշոյ-
նը և, վիրաւորին, դուրս գցեցին պալատից:

Իսկ խորամանկ պալատականի վրայ պատիւ
ու հարատուութիւն թափուեցին: Թագաւորը նրան
իրանից յետոյ երկրորդը կարգեց: Մեծերը շատ
քիչ անգամ են տեսնում ճշմարտութիւնը: Նրանք
չափազանց բարձր են, իսկ ճշմարտութիւնը, ինչ-

պէս մըջիւն, վազվզում է նրանց սաների տակ: Մի անգորոյշ քայլ՝ և նա ճգմուեց:

Դ

Ի՞նչ է ՊԱՏԻՒԸ:

Որդին ասաց հօրը.

— Դու ինձ կեանք տուիր: Ես վերցրի քեզանից անունս: Իմ կեանքը ես պարտաւոր եմ տալ, որպէսզի քո անունը մնայ նոյնպիսի ազնիւ, ինչպէս որ էր:

Սա բարի որդու խօսքեր են:

Այսպէս կասէր իմաստունը, եթէ լինէր մեր մէջ:

—

Երիտասարդութիւնը՝ բոլոր հիւանդութիւնների ամենալաւ դեղն է,— և Շիրայի-Գոմպաչչին առողջացաւ դաւաճանողի վէրքից:

Հիւանդ և ուժասպառ նա թափառում էր, քաղցած, Եղգոյի փողոցներով:

Եւ ամենքը խուսաբում էին նրանից:

— Ահա այն մարդը, որին թագաւորը արտաքսել է իր արքունիքից:

Երբ անցնում են ձմերային մրրիկները՝ ծագում են գարնանային ծաղիկները:

Երբ պատուի, փառքի, հարստութեան կըրքերն անցնեն՝ սրտում ծաղկում է սէրը:

Այժմ Շիրայի-Գոմպաչչին դառնութեամբ մտածում էր.

— Ինչո՞ւ այն ժամանակ ես չմնացի բարի բնաստի մօտ և չամուսնացայ գեղեցկուհի՝ Կո-

1002
6312



մուրասակու հետ: Ես հիմայ կրնիս անտես, հանգիստ և երջանիկ, — որովհետեւ ինկալում երջանկութիւնը միայն սիրոյ մէջ է: Իսկ այժմ բոլորն ինձ ատում են և արհամարհում:

Այսպէս էր սիրուց հառաչում Շիրայի-Գոմպաչչին, քաղցած, թափառելով Եղգոյի փողոցներում:

Այսպէս մտածելով՝ նա անցնում էր մի թէյատան առջևից, որ ամենալաւն էր քաղաքում, և լսեց մի կնոջ երգելը:

Ձայնը նրան ծանօթ թուաց: 》》

Շիրայի-Գոմպաչչին կանգ առաւ և սկսեց լսել:

Կարերը հնչում էին, լալիս էին ու զանգաւում կնոջ մատների տակ:

Իսկ կնոջ ձայնը երգում էր, ինչպէս մի ուրախ երգ:

«Ո՞վ է ամենից գեղեցիկը, խելացին ու խիզախը:

«Նրա անունն է՝ Շիրայի-Գոմպաչչի:

«Ո՞ւմ շրթունքներն երբէք չեն պղծուել ստով, իսկ դաշոյնը՝ բարեկամի արիւնով:

«Նրա անունն է՝ Շիրայի-Գոմպաչչի:

«Ո՞վ է, իսկապէս, արժանի սամուրայ կոչման: Ո՞վ կարող է կրել նախնիքների դաշոյնը արժանապատուութեամբ: Ո՞ւմ դաշոյնն է ամենից սիրագործը:

«Նրա անունն է՝ Շիրայի-Գոմպաչչի:

«Ո՞ւմ եմ ես սիրում: Ո՞ւմ համար եմ ես հալում: Ո՞ւմ անունն եմ հաւատում մութ գիշերին մինչև անգուարթ լուսածագը:

«Այդ անունն է՝ Շիրայի-Գոմպաչչի:

—Ո՞վ է համարձակու՞մ,—բացականչեց Շիրայի Գոմպաչչին,—բարձրաձայն գովարանել Շիրայի-Գոմպաչչու անունը, երբ նրան, լքուածին, ատում ու արհամարհում է ամբողջ Եղզօն:

Եւ Շիրայի-Գոմպաչչին ներս վազեց թէյատուն:

Ներս վազեց և արձանացաւ:

Պատշգամբում, ճոխօրէն ասեղնագործած բարձի վրայ նստած էր, զարդարուած ծաղիկներով, Կոմուրասակին, էլ աւելի չքնաղ, քան առաջ, արտասուում էր ու երգում:

Տեսնելով նրան՝ Կոմուրասակին ճչաց և դէմքը ծածկեց ձեռներով:

—Դո՛ւ այստե՞ղ, բացականչեց զարմանքի ու սարսափի մէջ Շիրայի-Գոմպաչչին,—երաժըշտունի և երգչունի *): Դո՛ւ, նշանաւոր և հարուստ հօր աղջիկը: Դո՛ւ, որ կրում ես մի անուն, որ միշտ պատուաւոր է եղել:

Կոմուրասակին յետ քաշեց ձեռները երեսից և պատասխանեց հպարտութեամբ.

—Այդ անունը պատուաւոր էլ մնացել է: Ո՛չ ոք չի համարձակու՞ի ասել, որ իմ հայրն անպատիւ մարդ է և սրեւէ մէկին խաբել է: Եւ այդ արել եմ ես:

Ու նա պատմեց Շիրայի-Գոմպաչչուն ինչ որ իրան պատահել էր միմեանցից բաժանուելուց յետոյ:

*) Մինչ հէյառները, պարուհիները միայն արտիստունի են և վայելում են յարգանք՝ երաժշտուհիներն ու երգչուհիները թէյատներում ամեն մէկին մատչելի կանայք են:

Դժբախտ պատահարներից նրա հայրը սընանկացել էր:

Երբ ծախում էին նրանց բոլոր ունեցածը՝ փողոցում կանգնած էին դեռ մի քանի մարդիկ և անիծում էին նրա հօրը:

—Դու խաբեցի՞ր մեզ: Դու վերցրիր մեր փողերը և յետ չտուիր մեզ:

Հայրը եկաւ տուն, որը արդէն իրանց չէր պատկանում, և ողբ ու կոծով բացականչեց.

—Ահա ես ամեն ինչ կորցրի: Կորցնում եմ հիմայ և բարի անունս: Ի՞նչ մնաց ինձ: Արհամարհելի կեանքի մնացորդներ և մի անպատուած աղջիկ, որը պիտի կրէ մի արհամարհուած անուն: Հին սովորոյթը պահանջում է, որ ես ծախէի աղջկանս և վճարէի պարտքերս: Իսկ ինչպիսի տանջանք կընտրէ իմ աղջիկը. մարմնի՞ տանջանք չսիրած մարդկանց զգուանքներից, թէ՞ հոգեկան տանջանքներ այն գիտակցութիւնից, թէ իր հայրը անպատուած է, անարգուած:

Կոմուրասակին պատասխանեց.

—Հայր, ես ինքնասպանութիւն կգործեմ, եթէ ինձ չծախես: Ինչեւ անունդ բաղդից այնպէս մաքուր, ինչպէս որ նա ընկել է նրա անողորմ ձեռքերը:

Հօր աչքերում արտասուք երևաց.

—Աղջիկս, ես գիտէի, թէ ինչ էի անում, երբ քեզ կեանք էի տալիս:

Եւ զուրս դալով նրա հետ փողոց՝ իրան, որպէս խաբեբայի, անիծողներին. ասաց.

—Մի շտապէք քարկոծել շանը, երբ նա դեռ չէ երևացել: Դուք տեսնում էք, սրբան չքնաղ է

աղջիկս: Նրա գեղեցկութեամբ ես կվճարեմ իմ պարտքերը: Ինքն է այդ ուզում:

Ու ամենքը գովեցին աննման դստերը և պատուաւոր վաճառականին, որի համար բարի անունը թանկ է աշխարհի բոլոր բաներից:

Ամբողջ քաղաքը նրանց յարգանքներով յուզարկաւորեց, ծերունին աղջկանը տարաւ Եդգօ, և, որովհետև Կոմուրասակին հրաշալի էր, որպէս քիչ անգամ են հրաշալի լինում ծաղիկները՝ նրա փոխարէն թէյատան տիրուէին վճարեց այնքան, որ պատուաւոր վաճառականը աւելիով վերագարձրեց այն ամենին, ում պարտ էր:

— Ահա թէ ինչն է եմ ես այստեղ, — վերջացրեց չքնաղ Կոմուրասակին իր պատմելը, — յարգելի Իջի-Սանի տանը, և ահա թէ ինչն է ես կարող եմ հպարտութեամբ կրել հօրս անունը:

Շիրայի-Գոմպաչչին քաշ պեց գլուխը.

— Իսկ ես, — ասաց նա, — ես չկարողացայ մարդկանց աչքում իմ հօր անունը պահել այնպէս պատուաւոր, ինչպէս որ ստացել էի:

Ե

ԻՆՉ Է ՍԷՐԸ

Մեծ գետը, որ հանդարտ ու դանդաղ հոսում էր հովտի վրայով, հարցրեց լեռնային կատաղի փոքրիկ գետակին.

— Ինչն է դու այդպէս կատաղի ես:

Սա պատասխանեց.

— Որովհետև իմ ճանապարհին շատ քար կայ:

Այսպէս է և սէրը: Նա դառնում է կատաղի, երբ ճանապարհին պատահում է խոչընդոտներ:

Այսպէս կասէր իմաստունը, եթէ լինէր մեր մէջ:

Այդ միջոցին երևաց յարգելի Իջի-Սանը, թէյատան տիրուէին:

— Ո՞վ է այդ դժգոյն պատանին, — հարցրեց նա:

— Ես կոչւում եմ Շիրայի-Գոմպաչչի, — ամօթով պատասխանեց երիտասարդը:

Իջի-Սանը սիրալիբ կերպով ժպտաց:

— Նստիր: Ես գիտեմ այդ անունը: Ես այդ միշտ լսում եմ իմ գեղեցկուհու, ծաղկանոցիս ամենալաւ ծաղկի երգերում:

Շիրայի-Գոմպաչչին պատմեց նրան իր հանգիստը Կոմուրասակու հետ և վերջացրեց իր պատմութիւնը՝ ասելով.

— Կոմուրասակուն տո՛ւր ինձ:

Նրան կարեկցութեամբ ականջ դնող յարգելի Իջի-Սանը հարցրեց.

— Բայց ինչ պարտական եմ Կոմուրասակուն քեզ տալու:

Նա ասաց.

— Որովհետև սիրում եմ նրան:

Յարգելի Իջի-Սանը ծիծաղեց.

— Բայց ամբողջ Եդգօն սիրում է Կոմուրասակուն: Նա առաջին գեղեցկուհին է բոլոր թէյատաններում, — և, իսկապէս, աստուածների օրհնութիւնն իջաւ այս թէյատան վրայ, երբ ես այս ծաղիկը տնկեցի իմ օրհնեալ հողի վրայ: Մենք

ազատում չունենք ամենանշանաւոր և ամենահարուստ մարդկանց ձեռքից: Ոսկին գետի պէս հոսում է դէպի իմ թէյատունը: Բայց ես համաձայն եմ կատարել քո ցանկութիւնը, պատանի: Վճարիր ինձ այնքան, որքան ես վճարել եմ Կոմուրասակու համար. վճարիր էլի այնքան, որ կարողանամ լիութեան ու առատութեան մէջ վերջացնել իմ օրերը. վճարիր դարձեալ այնքան, որ որդիքս կարողանան հասնել այն փառք ու պատիւներին, որոնց հարուստներն աւելի հեշտ են հասնում, քան աղքատները. վճարիր զեռ էլի այնքան, որ աղջիկներս կարողանան իրանց ամուսիններին հարուստ օժիտ տանել և դրանով գրաւել նրանց սէրը՝—և այն ժամանակ Կոմուրասակին քոնն է: Բաղիր այդ ծաղիկը ու տնօրքեղ հետ:

Շիրայի-Գոմպաչչին չգիտէր ինչ անելիքը: Նա տեսաւ, որ յարգելի Իջի-Սանը շատ իրաւացի է:

—Ես չունեմ այդքան փող,—բացականչեց նա դառնութեամբ:

—Այն ժամանակ ուրիշների ճանապարհին մի կանգնիր, —ասաց Իջի-Սանը,—այնպիսի գեղեցկուէիներ, ինչպիսին է Կոմուրասակին, ուշուշ են ծնւում: Դա մի տօն է ամբողջ Երզոյի համար: Դուն էլ մասնակցիր այդ տօնին: Ձեռք բեր փող և արի այստեղ, որպէս զի լցնես իմ քսակը ոսկով, իսկ Կոմուրասակու կուրծքը՝ հըրճուանքի արցունքներով: Իսկ մինչ այդ հեռացիր: Եւ հեռացիր շուտով. Կոմուրասակին այսօր պէտք է հագնուէ որքան կարելի է լաւ և պէտք է սովորականից աւելի գեղեցիկ լինի—մենք սպա-

սում ենք ճաշին ամբողջ Երզոյի ամենանշանաւոր և հարուստ մարդուն:

Եւ նա արտասանեց Շիրայի-Գոմպաչչուն մատնող խորամանկ պալատականի անունը:

Պատանին միայն կրճտացրեց ատամները և գնաց:

Կատաղութեան մէջ նա թափառում էր քաղաքում: Այժմ միայն մէկ մտածմունք ունէր:

—Ինչ ճանապարհով ուզում է լինի՝ փող ճարել և գնել Կոմուրասակու գգուանքները:

Երբէք նա չէր երևացել նրան աւելի գեղեցիկ, աւելի չքնաղ:

Այսպէս մտածելով՝ նա յիշեց իր գաշոյնը.

—Կծախեմ և կգնեմ Կոմուրասակուն գրկելու երջանկութիւնը:

Այս սարսափելի մտքով նա բարձրացրեց վշտից քաշ ընկած գլուխը և նոյն բոպէին տեսաւ պալատականին, որ գնում էր թէյատուն ճաշի և ժպտում էր, մտածելով, հաւանօրէն, Կոմուրասակու մասին:

Շիրայի-Գոմպաչչու արիւնը գլուխը խփեց, երբ տեսաւ այն մարդուն, որը, խլելով նրանից ամեն ինչ, այժմ էլ խլում էր Կոմուրասակու գգուանքերը:

Նա շուրջը նայեց:

Դատարկ փողոցում միայն իրանք էին:

Շիրայի-Գոմպաչչին մօտ գնաց և ձեռքը գրեց մտքովը տարուած և ժպտացող պալատականի ուսին:

Պալատականը ցնցուեց, բարձրացրեց գլուխը և զեղնեց, երբ տեսաւ իր առջև իր մատնած դաւաճանած մարդուն:

— Ինձանից պէտք էր առնալ վախենալ,—
ժպտալով ասաց Շիրայի-Գոմպալչին,— վախենալ
և չհանդիպել իմ ճանապարհին: Այժմ ուշ է.
մենք արդէն հանդիպեցինք: Ինչո՞ւ ես զեղնում.
մի ակնթարթից մահը կստիպէ քեզ զեղնել:

— Մի սպանիր ինձ,— կոչեց պալատականը:

— Ես կանեմ այն, ինչ որ խոստացել եմ
թագաւորին,— ասաց Շիրայի-Գոմպալչին,— ես
կապացուցանեմ նրան իմ անձնուիրութիւնը նը-
բանով, որ կսպանեմ դաշոյնովս այն ամենամեծ
սրիկային, որ եղել է երբեքից նրա տիրապետու-
թեան մէջ: Ես ողջոյն բերի քեզ այն գեղեցկու-
հուց, որին դու գիտես: Ո՞րտեղ: Ա՞յտեղ: Ա՞յս
կրճքին պէտք է այսօր թեքէր իր գլուխը Կո-
մուրասակին: Ո՞րտեղ: Ա՞յտեղ զնել: Սրտիդ
մօտ: Հն: Ահա անյտեղ:

Եւ Շիրայի-Գոմպալչին միեկ դաշոյնը պա-
լատականի սիրտը:

Վերջինս մեռաւ, չկարողանալով նոյն իսկ
մի հառաչ արձակել:

Շիրայի-Գոմպալչին զգուանքով ձգեց նրա
զիակը հէնց այնտեղ փողոցում և, խուզարկելով
նրան, վերցրեց պալատականի մօտ գտնուած
բոլոր փողերը և զիմեց յարգելի Իջի-Սանի թէ-
յատունը:

— Ուրախացրու Կոմուրասակուն: Այսօր
մենք, վերջապէս, միմեանց կգոուենք,— բացա-
կանչեց Շիրայի-Գոմպալչին,— և այդ բոլորը
չնորհիւ իմ բարեկամ պալատականի: Նա քեզա-
նից բարի է, յարգելի Իջի-Սան: Իմանալով, որ
ես սիրում եմ Կոմուրասակուն, նա տուեց ինձ
իր քսակը, որպէս զի ես կարողանամ գալ քո թէ-

յատունը: Այդ դեռ քիչ է: Նա ինձ խօսք տուեց,
որ այլևս երբէք չի գայ Կոմուրասակու մօտ: Եւ
թէ և նա չափազանց նենգ ու խորամանկ պալատա-
կանի հոչակ է վայելում, սակայն ես վստահ եմ,
որ այս անգամ նա կպահէ իր խօսքը:

— Բարի մարդ շատ կայ աշխարհում,— ա-
սաց յարգելի Իջի-Սանը,— մանաւանդ հարուստ-
ների մէջ: Ճաշը պատրաստ է, և պէտք չէ ժա-
մանակ կորցնես ինձ հետ խօսքի բռնուելով:

Շիրայի-Գոմպալչին ճաշի նստեց Կոմուրա-
սակու հետ, որը, ձոխօրէն հագնուած՝ սովորա-
կանից էլ աւելի չքնաղ էր այդ օրը:

— Նստիր կողքիս: Ես չեմ ուզում, որ դու
ինձ ծառայես: Թող մեզ ուրիշները ծառայեն,—
ասաց նրան Շիրայի-Գոմպալչին,— նստիր ինձ
հետ միասին, կողքիս, ինչպէս այդ պատահում է
տղամարդու և կնոջ կեանքում միայն մի անգամ,
նրանց հարսանիքին:

Հէյշաները պարում էին: Երաժիշտներն ու
երգչուհիները փառաբանում էին նրանց երիտա-
սարգութիւնը, գեղեցկութիւնն ու սէրը:

Իսկ Շիրայի-Գոմպալչին ու Կոմուրասակին
նստել էին միմեանց կողքի, ինչպէս հարս ու
փեսայ:

Իջի-Սանի այգու լաւագոյն ծաղիկը դըժ-
գոյն էր:

Կոմուրասակին նկատեց Շիրայի Գոմպալչ-
ու ձեռքերի վրայ արեան հետքեր ու շշուկով
հարցրեց.

— Այդ ի՞նչ է: Ես վախենում եմ:

— Լռիր,— նոյնպէս շշուկով պատասխանեց
Շիրայի-Գոմպալչին,— դա մի քանի կաթիլ է այն

առուակից, որի մէջ ես լուացել եմ ոսկիս:

Ու ինչոյք էր անում:

Երբ երեկոյեան աղջամուղջը ամեն ինչ լըցրեց մայր մտնող արևի վերջին ճառագայթների վարդագոյն արտացոլումներով՝ Շիրայի-Գոմպաչչին հրամայեց.

— Հիմայ ամենքդ հեռացէք: Մենք Կոմուրասակու հետ միմեանց պահ կտանք հառաչներ, որոնք աւելի քաղցր են քան ձեր երգերը: Ու բոլորը, ծիծաղելով, հեռացան:

— Այժմ դու իմն ես, — ասաց Շիրայի-Գոմպաչչին, բայց այդ միջոցին ներքևում հնչեցին ազմուկ ու աղաղակներ:

Յարգելի Իշի-Սանը սենեակ վազեց ճշարով.

— Մարդասպան: Դու սպանել ես քաղաքի ամենապատուաւոր մարդուն:

Եւ նրա յետեից մտան թագաւորի ծառաները.

— Ոճրագործութիւնդ բացուած է, — ասացին նրանք: — Ո՞վ կարող էր սպանել թագաւորի սիրելուն, ամենապատուաւոր, ամենանշանաւոր և ամենահարուստ մարդուն: Ո՞վ, բացի այն մարդուց, որի կեանքն է փրկել նա իր բարեկամութեամբ: Կասկածն իսկոյն և եթ քեզ վրայ ընկաւ:

— Ահա թէ ինչո՞ւ արիւն կայ ձեռքերիդ, — ստորսփի մէջ բացականչեց Կոմուրասակին:

— Այդ կինը բաց է անում արարքդ:

Շիրայի-Գոմպաչչին դուրս քաշեց դաշոյնը, որպէսզի խրէ իր փորը, — բայց թագաւորի ծառաները կարողացան նրան բռնել և դաշոյնը խլելցին:

— Ո՞չ, դու արժանի չես պատուաւոր մահուան: Թագաւորի հրամանով դու կգլխատուես, ինչպէս մի ամենասովորական մարդասպան:

Այն ժամանակ Շիրայի-Գոմպաչչին յուսահատութեան մէջ գոչեց.

— Լսեցէք, մարդիկ հէնց միայն այն են արել, որ խլել են ինձանից այն բոլորը, ինչ որ պատկանում էր ինձ: Խլեցին կարողութիւնս, պատիւս, բարի անունս, թագաւորի տրամադրութիւլը, նրան մատուցած ծառայութիւններս, սիրածս կնոջ, վերջապէս, նախնիքներիս դաշոյնը, նոյնիսկ պատուով ու փառքով մեռնելու հնարաւորութիւնը: Գոնէ մի գիշեր թողէք ինձ: Այդ գիշերը ես կանցկացնեմ Կոմուրասակու հետ, իսկ առաւօտեան արէք ինձ, ինչ որ ձեզ արդար կթուայ: Աւելացրէք դրա համար մի նոր տանջանք:

Բայց նրան պատասխանեցին.

— Թագաւորի կամքը սրբազան է: Ո՞չ մի բոպէ յետաձգում: Դու կգլխատուես այսօր և եթ հէնց այնտեղ, որտեղ կատարել ես քո ամենալաւ բարեկամի ստոր սպանութիւնը:

Լիրայի-Գոմպաչչուն տարան այն փողոցը, որտեղ նա սպանել էր խորամանկ պալատականին, և կտրեցին նրա գլուխը, ինչպէս մի ամենասովորական ոճրագործի:

ԻՆՁ Է ՄՍ.ԷԳ

— Ի՞նչ կանէիր, եթէ ես կամենայի քեզ վրայ թափել բոլոր դժբաղդութիւնները, — հպարտութեամբ հարցրեց բաղդը մարդուն:

— Ես կմեռնէի, — ոչ-պակաս հպարտութեամբ պատասխանեց մարդը բաղդին, — և դու անդօր կլինէիր ինձ վրայ:

Ամեն բանից կարելի է զրկել մարդուն, բացի մեռնելու կարելիութիւնից, երբ նա կամենայ:

Այսպէս կասէր իմաստունը, եթէ լինէր մեր մէջ:

Շիրայի-Գոմպաչչին ունէր մի բարեկամ, որը սիրում էր նրա խիզախութիւնն ու ղէնք շարժել գիտենալը:

Սամուրայ էր, ինչպէս և նա:

Նա ասաց.

— Նա վատ ապրեց: Բայց նա սամուրայ էր:

Նա պէտք է սամուրայի պէս էլ թաղուի:

Գնաց թագաւորի մօտ և մեծ փողով գնեց գլխատուած Շիրայի-Գոմպաչչու մարմինը:

— Թաղիր հեռու տեղ, որտեղ ուզում ես, — ասաց թագաւորը, ստանալով փողերը, — միայն թէ եղբօյի սահմաններից դուրս:

Հանգուցեալի բարեկամը տարաւ Շիրայի-Գոմպաչչու մարմինը Մեզուրօ և թաղեց այնտեղ

այն բոլոր պատիւներով, որ պատշաճ են սամուրային:

Գարուն էր:

Իմանալով Շիրայի-Գոմպաչչու թաղումը՝ Կոմուրասակին քաղեց կեռասենու ծաղիկ ոստեր և եկաւ նրա բարեկամի մօտ.

— Ցոյց տաւ ինձ, որտեղ ես հողին յանձնել Շիրայի-Գոմպաչչու մարմինը: Ես մի կին եմ, որ սիրում էր նրան և որին սիրում էր նա: Ես ուզում եմ զարգարել նրա գերեզմանը այնպէս, ինչպէս որ նա արժանի էր:

Հանգուցեալի բարեկամը, տեսնելով իր առջև Կոմուրասակուն, արհամարհանքով բացականէր.

— Ուրեմն դ՞ու ես այն դժբաղդը, որի համար նա մոռացաւ իր պատիւը, սպանեց ու կողոպտեց մի պատուաւոր մարդու, որին պարտական էր իր կեանքը: Այդ դ՞ու ստիպեցիր նրան մոռանալ իր պատիւն ու խիղճը:

Կոմուրասակին, արտասուելով, պատասխանեց.

— Այո, այդ ես եմ: Միայն թէ ցոյց տուր ինձ նրա գերեզմանը:

Նա հրաշալի էր, և հանգուցեալ Շիրայի-Գոմպաչչու բարեկամը ասաց նրան.

— Լաւ: Թող քո ասածի համեմատ լինի: Բայց քեզ նման հանաջք ձրի ոչինչ չեն անում: Ես էլ չեմ ուզում ոչ մի բան ձրի անել քեզ նման կնոջ համար: Ես քեզ ցոյց կտամ իմ անբաղդ բարեկամի գերեզմանը, բայց դրա համար դու նախ պիտի իմը լինես: Ես չեմ ուզում, որ բարեկամիս հողին, յանցաւոր, բայց տանջուող,

գերեզմանի մօտ քեզ մաքուր տեսնէ: Թող նա քեզ վաճառուած տեսնէ: Կտեսնէ և զգուանքով երեսը կշրջէ քեզանից:

Կոմուրասակին արցունքներով պատասխանեց.

— Ես քոնն եմ, երբ դու այդ կամենաս:

Հանգուցեալի բարեկամն ասաց.

— Ես ուզում եմ, որ այդ իսկոյն լինէր: Ես ուզում եմ, որ դու լինես այնպէս, ինչպէս որ ես: Նոյնիսկ այն ժամանակ, երբ գնում ես քեզ համար կեանքը զոհած մարդու շիրմին այցելութեան՝ դու ընդունակ ես ուրիշին պատկանել:

Կոմուրասակին պատասխանեց.

— Լաւ: Մարմինս այնքան եմ տանջել, որ մի աւելորդ տանջանք ոչինչ չի աւելացնի: Ես համաձայն եմ, արն ինչ ուզում ես:

Բարեկամը, նախատելով նրան, զգուանքով տարաւ Շիրայի-Գոմպաչչու գերեզմանի մօտ:

— Ահա այն մարդու գերեզմանը, որին դու կորստի ես մատնել:

Կոմուրասակին շիրիմը զարդարեց կեռասե- նու սպիտակ ծաղիկներով ու ասաց.

— Շիրայի-Գոմպաչչի: Այն ծաղիկներին՝ որոնցով ես զարդարեցի քո գերեզմանը, աւելացնում եմ դարձեալ մի հատ, որին կոչում են «Եղբօյի լաւագոյն ծաղիկը»:

Ու, հանելով մի դանակ, որ պահուած էր կիմօնօյի մէջ կտրեց կոկորդը և մեռած ընկաւ Շիրայի-Գոմպաչչու գերեզմանի վրայ:

Եւ բարեկամը խոնարհուեց նրա մարմնին

մինչև գետին՝ շանթահարուած սիրոյ և մահուան մեծութեամբ ու վեհութեամբ:

Այդ նա է կանգնեցրել, իբրև իր քառուժը, երկու մահարձան Շիրայի-Գոմպաչչու և Կոմուրասակու շիրիմների վրայ:

Ու այն օրուանից, ամեն գարուն, երբ արեգակը հրաշալի սպիտակ բոլորքով զարդարում է կեռասենու ոստերը՝ Տոկիոյի պատանիներն ու աղջիկները գունդագունդ գալիս են Շիրայի-Գոմպաչչու և Կոմուրասակու գերեզմանները և ձիւնափայլ ծաղիկներով զարդարում են յիշատակը նրանց, որոնք սիրել են և սիրոյ համար կեանքերը վճարել:



Վ Ե Ր Զ

Handwritten text in a cursive script, likely Armenian, is visible on the left page. The text is mirrored across the gutter, suggesting bleed-through from the reverse side. A prominent purple circular stamp is overlaid on the text in the upper-middle section of the page.



Հայաստանի Ազգային գրադարան



NL0438425

